

100 ONS MUSICA UNIUN

festa da giubileum

**Società da musica
UNIUN
T schierv-Fuldera-L ü**

18 e 19 gün 2011

Fr. 2.-

1911 100 ons Musica Uniun 2011

Charas amias e chars amis da la Musica Uniun
charas musicantas e chars musicants

In nom dal comitè d'organisaziun As bivgnaint jau cordialmaing a nos
giubileum 100 ons Musica Uniun T schierv-Fuldera-L ü.

Avant 100 ons han ün pêr homens da Fuldera as miss insembel per far
musica. Vaivan els lungurus e nu savaivan els che tour a man o laivan
els esser alch meglder co tschels?

Na, na, ne ün ne tschel, quai suna persvas, eir scha jau nu d'eira dapro
quella jada. Far musica quai es ün sentimaint singular, quai pon
cumprovar tuot quels chi fan sves musica. L istess scha quai es musica
classica, Rock'n Roll o in ün oter möd, sco pro nos exaimpel, musica
instrumentala.

Quel sentimaint varan gnü eir noss fundatuors da la società da Musica
Uniun. Davo ün greiv di da lavur han els sa tut (plücofranc stats
cuntaints da pudair tour) il temp, per far musica insembel. Aint in üna
stanza, forse quella da scoula, cun glüm da petroli varana tut nan lur
instrumaints be acquistats e fat prova da musica. Minchün varà
impruvà da tour oura il meglder e varan gnü ün clapper baja dad esser
quels in cumün chi san far musica.

Quella jada, ma eir hozindi, e quai saja eir our dad aigna esperienza,
listess co greiv cha'l di d'eira, far musica es sco üna massascha, per
l'orma dal musicant.

In quist sen lessa ingraziar a noss fundatuors barmörs, a tuot ils
musicants chi sun its a musica in quists 100 ons, als dirigents per sias
premuras, als presidents per lur ingaschamaint a bön da la società ed a
tuot quels cha la società da Musica Uniun T schierv – Fuldera - L ü sta a
cour.

Chara lectura, char lectur, scha V us eschat quia pro nus sco giast, sco
musicant, sco aspectatur o sco ami da la Musica Uniun,
sajat cordialmaing salüdat.

E viva la Musica Uniun eir ils prossems 100 ons !!!

Pel comitè d'organisaziun:

Jachen Caflisch

Noss giasts

Lamprecht	Arno	president dal Cumün da Val Müstair
Fallet	Georg	grondcusglier da la Val Müstair
Hohenegger	Gottfried	mastral
Schleich	Magnus	spiritual
Imholz	Gregor	spiritual
Könz	Andrea	presidenta dal Turissem Val Müstair
Binkert	Gabriela	manadra da la Biosfera Val Müstair
Nuolf	Lina	mima da la bindera
Pitsch	Gian Ulrich	pin da la bindera
Stupan	Lüzzi	veteran d'onur chantunal
Caflisch	Conrad	veteran federal
Gross - Bass	Mario	veteran chantunal
Hohenegger	Jacob	veteran chantunal

anteriurs dirigents da la Musica Uniun

Täschler	Paul
Bott	Chasper
Marcolli	Bruno
Schadegg	Caroline

anteriurs presidents da la Musica Uniun

Stupan	Vito
Bott	Jon
Fluor	Adrian
Gross	Ernst
Regensburger	Roland

Partecipants al giubileum

Musica Concordia, Müstair
dirigent: Roberto Donchi

Musica Aurora, Sta.Maria / Valchava
dirigent: Jon Largiadér

Musica da gioventüna Rom, Val Müstair
dirigent: Roberto Donchi

Società da musica Scuol
dirigent: Reto Mayer

Nos dirigents da la Musica Uniun T schierv – Fuldera - Lü

1911 - 1928	Greiner Josef, Sta.Maria
1929 - 1949	Danz Leonhard, T schierv
1949 - 1955	Gross Dumeni, T schierv
1955 - 1962	Luzzi Robert, Lü sai
1962 - 1986	Gross Jacques, Lü
1986 - 1990	Täschler Paul, Fuldera
1990 - 1994	Stuppan Chasper, T schierv
1994 - 1997	Bott Chasper, T schierv
1997 - 1999	Stuppan Chasper, T schierv
1999 - 2002	Marcolli Bruno, Valchava
2002 - 2007	Schadegg Caroline, Lü

2007 -

Matias Oswald, Münstair

Veterans chantunals d'onur (50 ons activ)

Matias Oswald

dirigent

Lüzz Stuppan

Veterans federals (35 ons activ)

Chasper Stuppan

vice-dirigent

Angel Fallet

Conrad Caflisch

Veterans chantunals (25 ons activs)

Josef Daniel Hohenegger

Carlo Schorta

Dumeni Stuppan

Mario Gross – Bass

Jacob Hohenegger

Comitè d'organisaziun: supastanza da la Musica Union

president

Jachen Caflisch

vice-president

Josef Daniel Hohenegger

chaschier

Ralf Hohenegger

schef da material

Dumeni Stuppan

dirigent

Matias Oswald

Musicanta e musicants da la musica Uniun l'on da giubileum, 100 ons Musica Uniun T schierv-Fuldera-L ü

Matias Oswald	dirigent
Domenic Caflisch	1 cornet
Chasper Stuppan	1 cornet, vice – dirigent
Rico Hohenegger	2 cornet
Daniel Grond	2 cornet
René Hohenegger	3 cornet
Cristina Zen	1 bariton
Jachen Caflisch	1 bariton
Josef Daniel Hohenegger	1 tenor
Johannes Fallet	1 tenor
Ralf Hohenegger	1 posauna
Angel Fallet	1 posauna
Carlo Schorta	2 posauna
Dumeni Stupan	es-horn
Urs Hartmann	es-horn
Sandro Lamprecht	bass in b
Jvo Lamprecht	bass in es
Gian Chasper Caratsch	percussiun
Aldo Giacomelli	percussiun
Raduolf Pitsch	binderal
Florian Hohenegger	vice - binderal

Cronica da la società da Musica Uniun T schierv – Fuldera – L ü sün seis 100avel anniversari als 18 e 19 gün 2011

Avant 100 ons, dal 1911, ün temp zuond different dal nos, ün temp ingiua cha la tecnica nu d'eira amo uschè inavant sco hoz ans spordschond tuot las comoditats e bellezzas. I nu's pudaiva la saira be drivir l'üsch stüva, dozar ün pa il bratsch e schmachar il pom per far glüm, neir na be far ir il radio e tadlar üna CD cun musica instrumentala o dafatta vezzer üna musica illa televisiun. Na quai nu daiva amo quella jada e ningün nu varà neir na s'insömgià da quai. Però chi füss bel a far musica in üna cumpagnia quai es gnü adimmaint ad ün pêr homens da Fuldera. Ils prüms instrumaints d'eiran citras. A sar Josef Greiner chi savaiva sunar quella as associettan, Niculo Bisaz, Peter Nutt, Peter Fluor, Chasper Salvett - Gross, Eduard Puorger, Paul Greiner, Jon Feuerstein e Christianas Hohenegger.



lingia davant da schnestra: Peter Fluor, Chasper Salvett-Gross, Josef Greiner,
Peter Nutt, Eduard Puorger

lingia davo da schnestra: Paul Greiner, Niculò Bisaz, Jon Feuerstein,
Christianas Hohenegger

1911 100 ons Musica Uniun 2011

Els nun han sunà lönch cullas citras ed han lura cumprà instrumaints da plech. Minchün ha dat fr. 100.- per finanziair quista cumprita, ün import considerabel, i's po dir cha quella jada hana demonstrà l'UNIUN. Ils instrumaints d'eiran quia ma ingün nu tils savaiva sunar. Els han clomà in agüd a sar Franz Oswald da Müstair, chi'd es stat lur magister fundamental. Quel chi ha chapi il plü svelt d'eira Josef Greiner, l'iniziant da la musica e quel ha lura eir fat il dirigent. Bainbod sun els eir stats buns da sunar la marcha: " Ein Hoch dem Landsturm". Els faivan part a la mastralia. Quella ha portà eir la prüm'entrada per la cassa. Entradas daiva quella jada uschigliö be dals musicants; els vaivan da pajar 20 rps. al mais. Schi d'eira pussibel giovaivan els ün teater ed organisaivan lapro ün bal, quai augmantaiva la cassa.

Alura sun seguits ils ons da la prüma guerra mundiala. Dals pacs commembers chi d'eiran, mancaivan adüna ün pêr. Ils ons davo la guerra, davent dal 1920, sun stats da plaina cuntantezza. Per occupar daplü registers han els tut in agüd a quels da T schierv, quai chi ha portà ün considerabel prosperimaint a la musica. Quella jada s'inacordschaiva daplü co hoz, cha la distanza tanter ils cumüns agrevaiva l'attività da la società da musica.

Als 25 november 1928 as han lura units ils musicants dals duos cumüns ed han decis da fuormar üna musica. Il nom da quista società nun ha dat lönch da stübgjar. L'UNIUN tanter quists camerads da musica as vaiva verifichada ed UNIUN es stat il nom cha la società ha survgni. La direcziun ha surtut sar Leonhard Danz da T schierv.

Ils ons 1930 fin 1939 ed ils ons da la segunda guerra mundiala sun stat ons da crisa. La mità dals musicants mancaivan causa servezzan da militar. Fin l'on 1945 es quai it be zop culla Musica Uniun, ma davo la guerra es quai it cun schlantsch e plaschair inavant. In gүн dal 1946 ha la società tut part a la festa districtuala da musica giò'l Puschlav. A quella festa hana badà cha mincha musica gniva manada da lur bindera. Amo quel on as hana decis da procurar ils mezs per comprar üna bindera. Als 26 mai 1947 han els pudü inaugurar lur prüma bindera, ed 8 dis davo ha la musica UNIUN pudü preschantar sia bindera in occasiun da la festa da musica chantunala a Scuol. Il prüm binderal d'eira L üzzi Lemm.



I nauguraziun da la prüma bindera (1947)

Dal 1948 han ils commembers da la musica Uniun decis da s'aquistar üna unifuorma da segunda man, novas nu s'han els pudü prestar. Chars lectuors ed amis da la musica, sco pro tuot las societats, uschè eir pro la musica Uniun nu dà quai be dis da plaschair, eir contuorblan da jadas cordöli il corp societari. Als 27 gün 1949 han ils commembers da la musica Uniun cumpognà a la fossa a seis meritaivel dirigent Leonard Danz da T schierv. Da sia entrada fin a sia mort ha el servi a la musica sco dirigent. Sco successur es gnü elet il magister Dumeni Gross.



Festa da musica districtuala a Susch (1949) illa prüma unifuorma cul dirigent Leonard Danz

1911 100 ons Musica Uniun 2011

Da l'on 1950 han els pudü bivgnantar cun grond plaschair eir com - members da L ü - L üsai. U schè s'haja müdà il nom da la Musica Uniun da Fuldera - T schierv - L ü - L üsai. L'unifuorma es dvantada per bliers massa stretta ed uschè han els decis dal 1954 da cumprar üna nouva unifuorma.



1954 La nouva unifuorma fa parada

In november dal 1955 ha surtut la bachetta da musica il magister Robert Luzzi ed a medem temp gnit elet magister Jacques Gross sco vice - dirigent. Dal 1960 es gnü adimmaint cha in ün on (1961) nossa musica exista fingia 50 ons.



1961 Festa da giubileum 50 ons Musica Uniun e festa da musica districtuala

1911 100 ons Musica Uniun 2011

Els han decis da far üna festa da giubileum e da dumondar da pudair organisar in occasiun güst eir la festa districtuala. Dit e fat, la prüma festa districtuala sün terrain Jauer ed il giubileum da 50 ons s'ha splajà in plaina satisfacziun per tuots, als 11 gün 1961 a Tschier.

Dal 1962 ha surtut Jacques Gross cun plaschair e capacità la bachetta da la Musica Uniun. Il nomer da musicants es creschü e'ls instrumaints nu tendschaivan per tuots, tantplü chi dovraiva eir instrumaints per ils uffants chi han survgni grond interess per la musica. E d uschè es gnü decis da cumprar novs instrumaints, e da laschar ils vegls als principiants. E ir jau d'eira ün da quels principiants chi ha imprais da sunar pro'l dirigent Jacques Gross.

In tuot quists ons ha la società tut part a differentas festas districtualas ed eir chantunalas, ed impustüt las festas in nossa Val Müstair ans staivan a cour.



1979 Nossa chamonna Legnai es pronta

La chamonna Legnai, ch'id es gnüda fabrichada dal 1978 es statta la prosma cumprouva, cha per realisar da quists projects voula propcha üna cumpagnia unida, üna "UNIUN", ed uschè ha nossa chamonna pudü gnir inaugurada in mai dal 1979. In quist'ocasiun ha la società da musica Uniun güsta eir inaugura la bindera nouva. I d'eira gnü adimaint cha sülla bindera mancaiva la vopa ed il nom dal cumün da L ü - L üsai. Quista bindera fa amo hoz seis dovairs ed sans accumpogna pro las festas.



1979 Inauguraziun da la bindera nouva cul dirigent Jacques Gross

Dals ons 80 crescha il nomer da musicants, e las unifuormas disponiblas nu tendschan plü per vestir a tuots. Ü n unifuorma nouva, ma plütost simpla vain cumprada ed eir instrumaints ston nan perchè cha dal 1984 dombra la musica Uniun 45 commembers.



1982 Nouva unifuorma, la terza

1911 100 ons Musica Uniun 2011

Il giubileum da 75 ons vain festagià dals 27 - 29 gën 1986 cun üna gronda festa. Da la partida sun musicas da la V al sco eir d'ütro ed uschè resta quella bainschi in buna regordanza, cumbain cha cun quel bel gudogn ha pudü gnir pajà inavo üna part da la hipoteca da la chamonna Legnai.



1986 cortegi tras Fuldera per la festa da 75 ons Musica Uniun

Pro la radunanza generala da l'on 1986 ha il dirigent Jacques Gross demischiunà davo 24 ons ed uschè staiva la musica Uniun sainza dirigent. Per tuot las fadias e prestaziuns vain Jacques Gross elet sco dirigent d'onur. Sco nouv dirigent vain elet Paul T äschler.

D'ürant ils prossems ons daja blers müdamaints regard la direcziun da la musica. Dal 1990 surpiglia Chasper Stuppan la bachetta fin dal 1994. L'à s'ha miss Chasper Bott a disposiziun. Davo 3 ons, dal 1997 surpiglia danouvamaing Chasper Stuppan la direcziun da la musica Uniun fin cha Bruno Marcolli, dal 1999 davo lunga tschercha dad ün dirigent as declera pront da surtour.

In quists ons, dal 1994 ha la musica Uniun decis da cumprar novas unifuormas. Ün comitè ha preschanta las unifuormas novas da culur verda e la finanziaziun es eir quia stat üna düra nuscha.



2003 Musica Uniun a la festa da jubileum 75 ons Musica Aurora Sta.Maria - Valchava

Davo cha'l dirigent Bruno Marcolli ha demischiunà, quai d'eira dal 2002, ha la società passantà üna situaziun pac allegraivla. Sainza dirigent, sainza president e be pacs musicants ed üna tschantada culla supranza da la musica Aurora da Sta. Maria - Valchava culla discussiun d'üna fusiun da las duos musicas. Ün fögl volant in mincha chasada dal Terzal d'Aint vain scumparti in rovand a la populaziun dal Terzal d'Aint per daplü sustegn ed in tscherchond musicants. La supranza nun ha vulgü avoir vaira cha quai es la fin da nossa società. Cun tuot ils sforzs pussibels han els chattà üna dirigente giuvna chi ha gnü il curaschi ed eir la vögla da trar quist char. Caroline Schadeegg ha dirigi la musica Uniun d'ürant 5 ons fin dal 2007.

E darcheu es la musica Uniun sainza dirigent. Davo lungas discussiuns cun ün bun magöl vin ed ün bun pled da sia duonna, s'ha Matias Oswald miss a disposiziun, culla cundiziun da pudair far ün on da prouva. L'on da prouva es stat avant 3 ons, Matias es amo hoz nos dirigent cun grond entusiassem ed ün ingaschi chi merita arcugnuschentscha.

Eir nossa chamonna Legnai ha in quists ons stuvü gnir mantgnüda. Dal 2003 vaina fat aint novas tualettas, chi meritan eir quel nom. Üna cuschina da segunda man vain integrada e l'on passà, dal 2010, vaina renovà il fond chi d'eira in ün nosch stadi. T uot quistas lavuors ha la società fat in agna reschia, in uras ed uras lavur, ma adüna da buna cumpagnia e bleras risadas.

1911 100 ons Musica Uniun 2011

Dal 2009 ha la musica d'archein problems cun l'unifuorma e riva per cas sün ün artichel da la società da musica Eggersriet, chi spordscha da regal 50 unifuormas. D'avo avair vis quista unifuorma s'han decis ils commembers da surtour quista unifuorma.

D'eira al principi be musicants da Fuldera, as participeschan hoz musicants da tuot la Val o plü bain dit da tuot il cumün, quai fa grond plaschair.



davant da schnestra: René Hohenegger, Domenic Caflisch, Rico Hohenegger, Chasper Stuppan, Daniel Grond, Matias Oswald (dirigent)

davo da schnestra: Jyo Lamprecht, Aldo Giacomelli, Gian Chasper Caratsch, Urs Hartmann, Cristina Zen, Jachen Caflisch, Josef Daniel Hohenegger, Johannes Fallet, Carlo Schorta, Angel Fallet, Ralf Hohenegger, Dumèni Stupan, Sandro Lamprecht

Concert da prümavaira da la società da Musica Uniun Tschier – Fuldera – Lü, 16 avrigl 2011 a Tschier

Charas musicantas, chars musicants, charas lecturas, chars lectuors.

Vus savais tuots fich bain chi nu voul be plaschair, dimpersai eir blers sforzs per mantgnair üna musica instrumentala. Cün buna vögla as po adüna superar fastidis e difficultats, racogliand danouvamaing nouva forza, plaschair e cuntantezza. Ans sajat perquai tuots amis ed ans sustgni eir in avegnir sco fin in uossa.

Jachen Caflisch

president società da Musica Uniun
Tschier – Fuldera – Lü

100 ONS MUSICA UNIUN

program da festa

sonda, ils 18 gün 2011

- 20.30 avertüra culla Musica Uniun
- 21.00 concert da gala
culla società da musica Scuol
- 22.30 bal cul duo Bergkristall
entrada: 12. — (commembers passivs gratuit)

dumengia, ils 19 gün 2011

- 10.00 cortegi tras Fuldera
(partenza ourasom Fuldera)
- 11.30 cult divin ecumenic
- 12.00 giantar e grillada
- 12.15 concert da la musica Uniun
- 12.30 salüd dal president
da la musica Uniun Tschierv - Fuldera - Lù
- 12.45 onurificaziuns
- 13.00 concert da la musica Aurora Sta. Maria - Valchava
- 13.30 pled festiv da sar Arno Lamprecht,
president dal cumün da Val Müstair
- 14.00 concert da la musica Concordia Müstair